

ABIZE MU ISEMINARI YO KU NYUNDO BARAHASUYE

Ku cyumweru Tariki ya 29 Kamena 2014, nibwo bamwe mu bize mu iseminari Nto ya Nyundo basuye urwo rugo maze basabana na barumuna babo binyuze mu mikino ndetse no gusangira ndetse banaganira n'ababyeyi bo muri urwo rugo.

Impamvu nyamukuru y'urwo ruzinduko rumaze kuba akamenyero, iba ari ugusura no gusabana na barumuna babo, hagamijwe cyane cyane kwimakaza ubuvandimwe mu barerewe muri urwo rugo mu bihe bitandukanye.



Iseminari nto ya Nyundo nyuma y'isanwa ry'igice kimwe cyayo (Saint Pie X)

Uwo muni ukaba waratangijwe n'imikino itandukanye; basketball na volleyball bikaba byarangiye abasemari batoya batsinze bakuru babo ariko bitari cyane naho football yo bakaba barangiye ibitego 3-3. Iyo mikino yose ikaba yaranzwe n'ishyamba ryinshi ku mpande zombi.




(ibumoso) basket amakipe yombi yacikiranye (hagati) ikipe y'abize mu iseminari kera (iburyo) ikipe y'abasemari bato

Nyuma y'imikino hakurikiyeho kuganira, Umuyobozi wa Seminari nto ya Nyundo Padiri Laurent NGENDAHAYO mu ijamba ry'ikaze yashimiye abagize icyo gitekerezo maze yifuza ko byakomeza bikaba ngarukamwaka, yagejeje kubari aho kandi uko iseminari ihagaze uyu muni ndetse na agahunda ifite abasaba kuba hafi y'urugo barerewemo mu buryo butabdukanye bashoboye.

Mu ijamba ry'uwaru uhagarariye abandi, Bwana Anselme SHEMA, nawe yashimiye iseminari ubuyiro yabakiriye anashimira abari aho kuba baje kwifatanya mu gusura barumuna babo n'urugo barerewemo muri rusange akaba yarajeje ubuyobozi ko nk'abana babo batazigera babajya kure muri byose. Akaba yatanze ku giti cye inkunga y'imyamba y'ikipe ya basket nawe yakirinaga akiga mu iseminari.


Musenyeri Dominiko NGIRABANYIGINYA wari ukumbuwe cyane n'abasemari (anciens) kuko yakiranwe amashyamba menshi cyane nawe yagarutse ku gushimira abagize icyo gitekerezo ndetse anabasaba ko bakomeza ntibazibagirwe iseminari kuko nayo ibazirikana akaba yaraboneyeho n'umwanya wo kubatumira muri yubileye y'imyaka 50 y'ubusaserdoti izaba ku itariki ya 23 Kanama 2014.

Mu mafoto;



uyu muni wamaze kuba

akamenyero (ibumoso mu w'2011) kandi urangwa n'urugwiro mu bavandimwe bo mu myaka itandukanye



(uhereye ibumoso) Bwana SHEMA Anselme wavuze mu izina ry'abandi bari aho, Padiri Umuyobozi wa seminari na Mgr Dominiko